

INUIT ATAQATIGIIT

INATSISARTUNI



Nuuk 20. januar 2011

Inatsisartut suleriaasianni § 37 naapertorlugu matumuuna imaattunik Naalakkersuisunut apeqquteqarpunga:

(Inatsisartuni ilaasortaq Olga P. Berthelsen, Inuit Ataqatigiit)

1. Inunnut annertuumik innarluutilinnut, (Inatsisartut peqqussutaat nr. 7. 3.november 1994) inuit pugiortunngornermik nappaateqalersimasut nalunaarsorneqarsinnaalersinneqarnissat Naalakkersuisunit qanoq isumaqarfigineqarpa?
2. Inuit annertuumik innarluutilittut nalunaarsorneqarsimasut, utoqqalinersiuteqaleraangamik annertuumik innarluutilittut nalunaarsorneqarsimanerisa atortuujunnaarsinneqartarnera, Naalakkersuisunit qaqugu aaqqiiviginiarneqarpa?

(Inatsisartuni ilaasortaq Olga P. Berthelsen, Inuit Ataqatigiit)

Tunngavilersuut:

Annertuumik innarluutillit ikiorserneqartarnerat pillugu, Namminersorlutik Oqartussat nalunaarutaat nr. 19, 16. december 2010- meersumi, kapitali 1-mi §§ 2 aamma 3-mi ersarissarneqarpoq, annertuumik innarluutillit qanoq ittuugunik aammalu nappaatit suut nappatigigunikkit, annertuumik innarluutilittut nalilerneqarsinnaanersut. § 5 naapertorlugu tamanna kommunalbestyrelsen aalajangertussaavaa.

Inuit pugiortunngornermik nappaateqalersimasut, peqqussummi siuliani eqqartorneqartumi ilaatinneqanngillat. Tamanna isumaqarpunga aaqqiivigineqartariaqartoq, inuimmi pugiortunngornermik nappaateqalersimasut annertoorejussuarmik ikiorserneqarnissamik pisariaqartitsisuummata. Iisimavarput sineriammi pugiortunngornermik nappaateqarsorineqartut ikigisassaangitsut angerlarsimaffimmini, annertunerusumik ikiorserneqaratik ilaqtaminnit paaqqutarineqartartut. Inuit pugiortunngornermik nappaateqalersimasut, taakkualu qanigisaat ullumikkornit pitsaaneruseqarsullinnekqarsinnaanermik isumaqarpunga pisariaqartoq annertuumik innarluutilittut nalunaarsorneqalersinnaanermik pisinnaatitaaffeqartariaqartut.

Inunnut annertuumik innarluutilinnut peqqussussut naapertorlugu, inuit utoqqalinersiuteqalersimasut – tassa 65-t sinerlugit ukioqalersimasut, annertuumilli innarluutillit, annertuumik innarluutillit pillugit peqqussut naapertorlugu sullinneqarunnaartarput. (takuuk pineqartumi § 3).

Inuit kikkulluunniit innorluutillit imaluunniit innarluutillit, 65-nik ukioqalernertik pillugu innorluuteqarunnaarneq imaluunniit innarluuteqarunnaarneq ajorput. Illuatungaatigut inuit taama inissimasut utoqqaliartornertik ilutigalugu, aamma ilaatigut annertunerusumik ikiorserneqarnissamik pisariaqartitsisinerat annertusiartuinnaarsarpoq.

Iisimatitsissutigerusuppara upernaakkut 2007-mi Inatsisartut ataatsimiineranni, immikoortoq 135 siunnersuutigisimasara, Inatsisartunit tamanit akuersissutigineqartoq ajorluartumik Naalakersuisunit piviusunngortinneqarsimangilaq. Tamassumap aaqqinneqarnissaa kissaatiginarmat, Naalakkersuisut apeqqutigisannut akissutissaat eriniginavakka, aaqqiissuteqarnissamut qanoq iliuusissanik tikkuussisuujuumata.